

MY BIBLE FIRST

PRIMARY YEAR A
Q 3 #32

Nadab le Abihu

SUNDAY

1 Nungkal leh nungkal sawn-in Israel tate' lam, a etlawm biakbuk vahawh-in i va en hi. Tua in amaute' biakinn masa pen ahi hi. Pasion in Moses tungah alim-in na lak khin a, amaute in tuabang lian-in a zui uh hi. **Hebrews 8:5.**

Biakbuk in alim-a et theih a neuno khat hilo hiam? Satan' kiang pan i suahtak theih nangen biakbuk in Pasion' geelna hong theisak hi. Biakbuk taktak koi ah om hiam? Biakbuk pen Pasion' biakinn zong kici hi.

Hih dotnate bangzah na dawng thei hiam en in: Biakbuk tungah sun le zan in bang om den hiam? Sun ciangin tua-in amau ading bang sepsak a, zan ciangin bang tawh kibang hiam? Tua-in Jesu' thu bang pulaak hiam?

Siampite in Pasion' ompihna a muh theih nading biakbuk sungah mun a tuamdeuh a om hiam? A siang-tho Thukham singkuang tungah vang ataang na phawk

KAMNGAH

Lenggahzu hita leh khamtheihzu hita leh ne kei un. Siampi Laibu 10:9


Do not drink wine or intoxicating drink.
Leviticus 10:9

lai hiam?

Biakbuk sung dei bangzah kikhen a, tua inndeite bang kici hiam?

Thupiak Sawmte koi ah kikoih hiam?

A taktak-in, biakbuk sung leh a pua a om na khempeuh in Jesu thu leh bangzah-a hong itna thu hong telsak hi. Biakbuk sung le pua-a vanzatte' min leh tuate in Jesu thu hong hilhzia nong gen thei dham?

 **NGAIHSUN-IN:** *Israelte in Jesu a muan det ding uh hamsa sa uh hilo hiam? Pasion in amaute a huhtheih zahin huh hilo hiam? Tanglai-a Israel mite a ompih mah bangin, tuni in Jesu i gei ah hong om hiam?*

MONDAY


2 Sehnel gamsung puanbuk ah midang awn tampi tawh omkhawm hileng, nuntakzia a koici tam cih na ngaihsun kha ngei hiam? Mi tampi tak tawh i omkhop ciangin, buaina a tam theih dan ngaihsun in.

Israel te' giahphual a mu thei hilecin, a sianthodan uh leh a omsitset dan uh lamdang nasa mahmah ding hi. **1 Corinthians 14:40.**

Biakbuk tungah meii om a, biakbuk pen a giahphual laizang uh-ah kikoih in, a kim ah mun zapi a om hi.

Puanbuk tul tampite khenpi 12 in kikhen a, puanbuk khempeuh tangtak in kigual hi. Buk khenpi khempeuh in, biakbuk lam a maingat uh hi.

Nisuahna lam-ah khen thum in biakbuk lam a maingat hi. Leitaw lam-ah thum om a, nitumna lam ah thum om in, leilu lam-ah thum a om hi. Pasion'






© Sean Eichelberger


biakbuk lam a maingat den uh pen thupi mahmah hi!

Banghang in khen sawmlenih om hiding hiam? Ngaihsunkik lecin, Jacob in tapa sawmlenih a neihlam na phawk ding hi. Tapa khat i innkuan pen, minam khat kici a, tua minam in tapasal pa' min pua suak hi.

Mite in ciaptehna khattek nei ahih manin, mipite in a bukmun omna uh zong thei uh hi.

 **NGAIHSUN-IN:** *Giahphual satna laizang ah, a thupi penpen biakbuk a om hi. Siangthobel mun i a laizang ah Thupiak Sawmte a kepna singkuang a om hi. Tua thu in hibe a thupitzia hong theisak hiam? Na tel thei hiam?*

TUESDAY

 3 Tua hun lai-a Israel pasalno ahihkeh numeino hih ding na ut hiam? Giahphualsatna geiteng ah nin cih bang kimu vet lo ahih manin, na khempueh siangtho leh etlawm taka na kep kul ding hi.

Giahphual kim ah na pai ciangin, thu khat in hong lungmangsak kha ding hi. Minam sawmlenih sim napi cin, Levi le Joseph minamte kihel lo hi. Banghang hi ding hiam?


Mi khatpueh in, Joseph minsuang in minam a kibawl tangin, Joseph tapate nihte, Ephraim le Manasseh, minsuang in minam nih om hi, ci-in hong gen ding hi. Mite in kham tawh kibawl bawng a biaklai un bang piang cih na ciamteh lai hiam? Levi minamte bek in Pasian' thu mangin citak uh hi. **Paikh-iatna 32:26.** Pasian in amaute biakbuk kem dingin a teelna tungtawn in, amaute pahtawi hi. Siampite in tua minam pana hong piang mi tuam vilvelte hiden uh hi.

Levite mite' giahbukte biakbuk tawh kinai pen den hi. Tua mun-ah amaute in nasep tuampite sem uh hi.


Meiipi in mundang ah giahphualsat dingin mipite a makaih ciangin, Levite mite in biakbuk phelkhia in, pua uh a, Pasian' makaihna phualthak ah a lamkik uh hi.

Aaron leh a tapate Levi minam hi uh a, biakbuk thak ah siampi sem masa pente ahi dingin, Pasian in a teel hi. Biakbuk sungah amau nasep ding khempueh Aaron leh a tapate in limtak-in a sin uh hi! Pasian in Moses tungtawn in amaute kiang a gen banglian in a sep ding uh thupi mahmah hi.

Aaron le a tapate a kigin khit uh ciangin, na lam-dang mahmah khat a piang ding hi. Zingciang in tuathu i sin ding hi.

 **NGAIHSUN-IN:** *Siangtho leh etlawm tak-in om ding na kisin hiam? Na nu leh pa' ong thuhil-hna khempueh na zui hiam?*

WEDNESDAY

 4 Hun thupi mahmah khat adingin Moses, Aaron, leh Aaron tapate ni sagih sung kiging uh hi. Amaute kisil-in, a siangtho uh hi. Moses in Aaron tapate puantual kang silhsak in lukhu khusak hi. Aaron pen, siampi lianpen pa' silh ding puantual hoih mahmah khat silhsak hi. Aaron in lutunna khat zong khu lai hi. A lutunna mai-ah, khaudum tawh a kigak kham peek a om hi. Tua kham peek tungah, "Topa a ding siangtho" ci-in ki gelh hi.

Aaron' puanliang tuak onyx suang tawh kizeem in, suang khat tungah minam min guk ta a kigelh hi. Awmdal a pang tuak ah suangmanpha nih tawh kizeem hi. Tua suangnihte Urim le Thummim kici hi. Pasian kiang thu a kidot ciangin, Pasian in "Himah" ci-in a dawn leh, a taklam-a suang a taang hi. "Hilo" ci-in a dawn ciangin, a veilam-a suang meikiai bangin a mial hi.

Aaron' puandum monglam ah a dum leh a dupsan tawh kizem mang kawlsingga kikhai hi. Mang kawlsinggahte kikal-ah kham siklong neu kikhai hi. Biakbuk siangthomun ah Aaron a pai ciangin, a pualam a om mite in tua siklong ging za thei uh hi.

Kha Siangtho a neih ding uh phamawh a hihna a a phawksak nadingin, Aaron, a tapate, le biakbuk sunga van kizang khempueh a tuam vilvel in sathau kinilh hi.

A tuamdeuh-in meihal biakpiakna zong kibawl hi. Meihal biakpiakna a kizang ganhingte' sisan biakna tau ah kikoih a, tua bek tham loin Aaron leh a tapate' taklam bil dawnte, taklam khutpi dawnte leh amau' taklam khepi dawnte kinuh hi.

Tua paw i a man khit ciangin bang piang hiam? **Siampi Laibu 9: 23, 24.**



NGAIHSUN-IN: *Aaron le a tapate' bil, khutpi, le khepi ah si kinuh in bang a deihna hiam? A deihna in, Jesu' in ei adingin a sisan hong luan abih manin, i bilte in na hoibbek za a, i khutte in thuman bek sem in, i khete in mun hoih bek a kuat theih nadingin Amah in hong huh thei hi, cih abi hi.*

THURSDAY

5

Nadab le Abihu in Aaron' tapate nihte hi. Moses le Aaron zom ah, Israel makai thupi mahmah a hi uh hi. Mual tungah Pasian mahmah tawh hun na-ngawn zangkhawm uh hi. **Paikhiatna 24:9-11.** Pasian' siampi ding, Ama' nasem dingin a ki-ap khit uh leh a etlawm biakpiaknate a makaih khit uh a sawt lo-in, amaute nih tungah a piang thusiate up ding hamsa hi.

Nadab le Abihu te in a biakbuk sungah a nasep-zia ding uh tel mahmah hi. Ahizong in, a dahhuai ni khat biakbuk sungah si-uh ahih manin, amaute nih a



© sweetpublishing.com; License—<http://creativecommons.org/licenses/by-sa/3.0/>

zawngkhia dingin Moses in mi a sawl hi. Mi khemp-
euh in lamdangsa uh hi. Bang thupiang hiding hiam?
Siampi Laibu 10:1, 2.

Paknamtui beel pen sik tawh a kibawl kuangneu khat hi a, a kikhai theih nadingin sikkhau kithuah hi. Siampite in tua sungah, paknamtui biaknatau pan Pasian' piak mei a koih uh hi. Tua mei tungah, paknamtui siangtho theh uh a, paknamtui beel damtak-in a vei uh hi. Paknamtui gimnam huihlak-ah kizel in, amau thungetnate a namtuisak Jesu ahih lam mipite phawksak hi. Jesu a muan manun, Pasian in lungtai tak in amau thungetnate a za hi.

Leitung tawh kisai, ahikkeh a lamdang, cih thute a siangtho nate tawh kilehbulh hi. Pasian in, paknamtui halna tau-ah a mei hal pen siangtho hi. Nadab le Abihu te in, paknamtui pen Pasian' piak a siangtho mei tung bekah theh ding cih a theihkhitsa uh ahi hi.

Ahih hangin, amaute in tuani-in, tua bang in sem loin, amau bawltawm mei mawkmawm tung ah koih uh hi.

Tua bang zahtaklohna a lah ding uh Pasian in phal lo hi. Biakpiakna i deihna susia hi. Pasian kiangah, Jesu muan ding thupi kei ci-in a gen tawh kibang hi. Pasian in a dantat pah ding kul hi. Tua hikei leh, mi tampi in Nadab le Abihu te' gamtat paulap in Pasian' thu manglo ding uh hi.

Mipite'n lamdangsa uh hi. Aaron i lungsimpuakzia ding i ngaihsun thei hi. Ahi zongin, bangmah a pianglo bangin a nasep a zomsuak dingin Moses in sawl hi. Aaron in a tapate a hehpih lo leh a mawhna uh a maisak lo tawh a kibat kul hi.



NGAIHSUN-IN: *Makaite a kidop mahmah kul hilo hiam? Mite in Pasian sangin makaite' nung-zuih ding baih sazaw uh hi. Naupangte in a hoih lo gamtat kampaute a zui ngei uh hiam? Nang e? Mite'n bangbang abih zongin thuman mah zui-in nungta ni.*

FRIDAY

6

Nadab le Abihu te mi picing hikhin mah leh, aneu lai-un thu man det ding sin lo uh hi. Amaute in a lipkhap-huai ngeina hoihlote teel uh a, wine le beer cihdan zu namte duhse uh hi.

Tua ni-in kham theih zu (wine) dawn uh ahih manin biakbuk sungah a khuak un hohtak-in nasem lo hi. Pasian in zudawna tawh kisai a genthute sim in. **Paunak 20:1; 23:29-33.** Tu-in Pasian in bang thukhun bawl hiam? **Siampi Laibu 10:8-11.**



NGAIHSUN-IN: *I mangngilkhak thu tampite Satan in na thei hi. Zu tawmcik in mikhat i ngaihsutna, gamtana hekkhial thei cih thei hi. 1 Cor. 6:10 ah zudawna in vantung gam hong lutsak thei hetlo ding hi, na ci hi. Vantung gam-ah, zu om lo ding abih manin, zu dawn nuamte in vantung gam nuam salo ding uh hi. Tu mahmah in, Jesu kiangah zu a kihel peuhmah dawn ngeingei kei ning, ci-in na kiciam nuam hiam? Tua in kamciam hoih khat hi. Makaite in midangte tungah buzap a neihlam uh, Satan in zong thei hi. Amah in makaite mawhna ah puksak leh, midangte in zong amau' khialhnate en-in, amau le amau sia kisa loin om ding uh hi. Mihingte in, Jesu bek mah i etteh ding lam ki-mangngilh pahpah hi.*



FURTHER STUDY: Exodus 28; 29; 39:1–31; Leviticus 8–10; *Patriarchs and Prophets*, pp. 359–362; *The Bible Story*, vol. 2, pp 188–192; vol. 3, pp. 9–12.



THE STORY CORNER

Lamlak-meivak Inncingpa - Khen 3

Adapted from *Scrapbook Stories* by Amy Sherrard

Lamlak mei-inn sungah amah kia-a om Mary in, meivaak tangsak nuam in bangzah takin a hanciam hang ban zolo hi. Tua manin tusuk-in a kahnop tha hong suak hi. Tua leh, thakhat-in a nuai inndei sunga a nu' Lai Siangtho bugol hong phawk kha hi. Ahi zongin, a manpha Lai Siangtho tungah amah bangzah-in kinga zo hiam? A lauhuai mahmah dinmun ahi hi.

Tua khit ciangin Mary in a nu' thugen ahi, Pasian' Kammal in nuntakna honkhia hi, a cih pen phawk hi. Tua in Mary hanciam nop thu ahi hi. Banghang in Mary in a din nadingin Lai Siangtho zang nuam hiam, cih Pasian in theisiam kha ding hi.

Mary zong inn nuai ah tai samsam in, Lai Siangtho bu gol inn tung a puato in, khuameivak kikoih na nuai-a sabuai tungah hong koihi hi. Meisah hong la in, Lai Siangtho tungah hong ding hi. Khuameivak ban thei ta! Meisah a sai khith zawh a sawt loin, inndei sung khempueh leh innpua lam-a tuihualte na-ngawn hong taan hi.

"Oh, lungdam lua ing ei, Jesu," lungnopsa in sabuai tung pan a tuah kawmin Mary in, ci hi. "Tun ah, Jesu aw, hehpihna tawh tui a kiam ciangin ka Pa cidam in hong tungsakkik in maw," ci-in thungen hi.

Tuipi tunga gunkuang hawlte in zong tua mei mu uh ahih manin, a lauhuai suangpate pelh in, a gunkuang uh suakta hi.

Mary' Pa in zong a omna bukneu sung pan tua meitaang hong mu hi. Pasian in koici bang in tangsak hiam cih a telloh hangin, Pasian tungah lungdamko hi. Migilote in zong tua meitaang mu uh a, thusia a geelnate uh kipelhsak ahih manin, heh mahmah uh hi. Bangmah ahih theih uh lah om tuan lo hi.

Tua zan tawntung huihpi/tuihual a om laitak in, meivak tuihual tungah taang veve hi. Zingsang hong tun ciangin, migilote in, Mary' Pa a omna bukneu panin khahkhia uh hi. Tui a kiam phet in, amah zong lamlak-meivak inn ah hong tai vingveng

hi. A tanu Mary a ang ah a kaw khak kik nuam lua hi! Mary zong nuam mahmah hi.

Mary' Pa in zong migilote' thu teng leh, inn a ciah theih lohna ahang-teng Mary kiang gen hi. Mary in zong a Pa kiangah meivak a vaksak theihna dan thuteng hong gen hi. "Pasian in Lai Siangtho tungah banghang in ding kahiam cih hong tel mahmah in ka um hi. Ken gunkuanghawlte leh gunkuangte ka hotkhiatnop man hi" ci-in a Pa kiang hong gen hi. A Pa in zong Pasian in amau' thungetnate a dawng dingin a tanu na huh hi, cih um hi.

Mary' nu in a neulai-a kipan a hilh thu pen maan mahmah hi. Lai Siangtho pen meivak bang hi. Migilote tawh a kibang ahi Satan' thu i manloh nadingin hong kem hi. Jesu tawh vantung i pai khop ding Satan in khaktan nuam hi. Ahi zongin, Lai Siangtho in gilopa Satan kiang pan hong hemkhia in, lam maan ah hong tonpih den hi.



Additional resources: nature lessons, activities, music, Bible lessons, Scripture memory, and more.

My Bible First Copyright © 2015

Phone: 1-877-242-5317

Web: www.mybiblefirst.org • **E-mail:** sales@mybiblefirst.org

Unless otherwise noted, Scripture quotations are from the NKJV.